

昇入無為汝以慈悲憫念群品應當敷演宣  
 示未聞俾苦海愛河咸知修奉出煩惱網斷  
 疑惑根登解脫山到逍遙境身心清靜深入  
 法門今者依按玄科敷陳淨供代  
 天尊而說戒起眾類以登真自此業垢澄清  
 靈源隱寂翔翔青霄之表洞妙金華之臺駕  
 景飛玄水無輪轉我今給授戒牒用作依憑  
 更運慈悲通宣符籙各宜恭肅一心諦受

宣九龍符 大九龍符

運明誥 生天籙

宣普度券 移籍券

宣超生符 托生符

宣功德牒

向來演說戒章給授符籙並已周圓伏願縱  
 步金蓮朝神玉闕辭

三寶以離席隨戒力以登真名注丹書功標  
 紫字永無沉墮俱脫苦輪汎乘不死之舟徑  
 登長樂之界少須舉送平步登天

寶華圓滿天尊

啓謝

臣聞空洞非迹神交經緯潛孚恍惚無形忝  
 應玄黃默契內外混心珠之妙顯微符性玉  
 之真匪去匪來奚升奚降臣等奉為赤鍊度  
 華仰依玄澤喜遂釐功諒難還於塵範莫稽  
 留於法從仰瞻碧漢已傳翠蹕之音俯罄丹  
 悰曷挽瓊輿之影臣下情不勝攀戀激切之  
 至謹稽首再拜奉送

迴駢頌

謹召九天普度院守雄祀雌二大將青玄黃  
 籙專度曲度普度司神史靈官本靖主將副  
 將護道監壇諸大元帥疾速部衛令宵所度  
 衆薨上詣  
 東極注生宮隨品受生一如  
 青玄上生律令

宣護送牒

送薨如儀

焚仙薨符

靈寶領教濟度金書卷之九十七

靈寶領教濟度金書卷之九十八同卷九十九同卷

洞微高士開光救苦真人寶金真授

靈寶通玄弘教水南先生林靈真編

科儀立成品青玄黃  
錄用

謝恩醮儀

燒香頌

各禮師存念如法

衛靈呪

五星列照 煥明五方 水犀却災 木德致昌  
 榮感消禍 太白辟兵 鎮星四據 家國利亨  
 列名玉簡 錄字帝房 乘應散景 飛騰大空  
 出入冥元 遊宴十方 五雲浮蓋 招神攝風  
 役使萬靈 上衛仙翁和與道合具

鳴法鼓二十四通

無上三天玄元始三炁太上老君召出臣等  
 身中三五功曹左右官使者侍香金童傳言  
 散花玉女五帝真符直日香官各三十二人  
 出出者嚴裝關啓玄壇天帝神君當召此間  
 土地里域真官正神急上關啓臣今奉為入  
 意以今設醮謝恩願得東極青玄妙炁百寶

光明下降派入臣等身中令臣所啓之誠速  
達徑御

東極青玄老君太乙救苦天尊運明保元上  
帝御前

請稱法位

位奉行青玄黃籙妙齋謝恩清醮法事小

臣某與臨壇官眾等謹同誠上啓

上无極大道虛元自然元始天尊太上道

君太上老君東極百玄老君太乙救苦天尊

運明保元上帝十方應化救苦天尊九天生

神上帝三十二天上帝五靈五老上帝上清

十一曜星君三元三官大帝北極四聖真君

北極九府上真道君南辰六闕上真道君二

十八宿星君奉玄樞機三省諸相真君靈寶

五師真君九天諸司真宰天曹諸司真君大

慈大悲救苦真人大慈大悲大惠真人妙行

真人法解真人太乙玄生府青玄黃籙院主

宰仙官黃籙九司仙靈九天普度院仙真靈

官三元三官九府主宰五嶽五帝真君五天

聖帝祖玄真師真人本沐經籍度師真人此

陰玄天鄴都大帝九壘十洞六宮九幽冥路  
主執神靈本州本縣城隍里域廟貌聖東三

界應感一切真靈臣聞赤明開國祖炁敷洪

濛之祥青華御極神光散混沌之精握蒼蓋

而稟清微臨黃輿而蘇北鬱靈風鼓舞威神

遍滿於十方甘露涵濡慧力圓通於三界凝

紫金之瑞相宴碧玉之祥區二府雲縣九司

星列尋聲赴感慈悲演念於香林應化分身

道德凝玄於審樹天人皈命幽顯傾心為苦

海之道師實昏衢之教主今齋主某一念疏

淪五體澄虛俯軫北單已拜鴻龐之惠仰瞻

東極爰彈縷蟻之誠莫結草以抒衷姑米頰

而致薦伏願龍旂翠節翔霄景於玄虛鳳葆

珠幢擁靈輝於碧落清蹕肅御頭之駕黃麾

嚴豹尾之塵十華之月駟來臨風雲混景三

極之旨驟迅溢水月交融不忘應感之私悉

副懇祈之切臣等不勝瞻

天望聖激切之至謹當奏請

請

三界眾真靈筵列聖通伸拜請諒沐光臨請

各整於仙班共抵迎於  
帝馭

降九位

鸞輿至止鶴駕臨軒與醮眾具如儀朝禮朝

禮既周請陞醮席齋主上香設拜初進酒

初獻

步虛

具位臣某與臨壇官眾等謹重誠上啓

三清上聖東極慈尊三界仙真無鞅聖眾臣

聞雲層萬帝青林凝生炁之華風澤德曹黑

壘結死氣之髣羅六天之鬼域列九地之神

鄉職宰陰陽權司水火銅柱峻峭羅葉網以

高張鐵壘周遣僊寬輪而旁運匪廓慶雲之

汗漫孰開昏霧之溟濛俾宴玉芝水超金粟

企神功於活劫仰頽力於終天虎拜勤渠風

瞻激切今齋主某重念亡故某七情海闊五

蘊山高俯蝸角以酣華罔思鳥織逐蠅頭而

漁獵妄意駒馳目成迷空色之關舌在味是

非之徑天和流浪人偽紛縈黑簡書名忽乘

危以仇豎青編削字遂構繫而究彭等開四

大之各離倏忽九京之長性北鄴考對東岱  
 推研匪請命於妙嚴為升神於霄極齋崇救  
 苦遵黃籙之金科恩露施仁敷青玄之玉誥  
 蕭芝壇而拜觀依蓮座以對揚潔己首恆精  
 心徽福果沐慶生之惠特敷起死之功蒼極  
 流光超形於地獄朱陵受鍊返炁炁於天  
 堂德踰萬華之崇輝邁滄溟之大上德不德  
 固何意於環珠知恩報恩當聲情於瑤玖頻  
 繫胃列葑菲自慚爰有青詞謹當宣奏

旦詞

詞旨具陳淵衷洞鑒茅茨不剪偕陳綿絕之  
 儀泰稷非磨重淪絲毫之獻九思芒負三省  
 冰兢伏願聽卑不遺流丹恩於雨露臨下有  
 赫迎玄憲於風霆混萬聖以時款羅千真而  
 日鑒蒙如瑣禱豐謝鴻私臣下情不勝虔禱  
 之至

亞獻

臣等謹重誦上啓  
 三清上聖東極慈尊三界仙真無執聖眾臣  
 聞渺渺大羅凝九華之妙忝塵塵刹土現三

際之法身慈雲東闡於玄真聖日上宗於元  
 始玉毫遠照廓華蓋而六合彌綸金景旋飛  
 下崑崙而九幽昭明枝洒空青之藥瓶流澄  
 碧之英妙矣玄機大哉至化凡皈依而有請  
 悉提獎以無遺今玄壇所度亡故某夙植塵  
 基幸逢道運龍符煥耀投天河而洗前非風  
 簡榮煌開地基而除俗垢名快登於仙籍覓  
 疾證於真階豐藉提携敢忘喻戴壇崇玉祀  
 既證資於初忱延扶瓊林敢徹祈於終患伏  
 願五神冰瑩萬炁波澄心易悟未盡之前性

初覺無名之始驪珠獨耀映滄海以涵虛蟾  
 玉孤明掛碧霄而煥景高步綠霞之境棲神  
 蒼極之庭翠蓋承顏侍赤圓於長樂金芝綴  
 武凝青霽於方諸任揚拂石之衣常振登金  
 之履齋主其鼎新華故否去泰來既往已藉  
 於玉成注映雲散見在更祈於錦覆考諷風  
 清春臺融喜氣之多夏屋萃歡聲之木五枝  
 挺秀七葉聯榮朱臉酣和漱瓊漿而霞映紫  
 髯留潤餐琅液以雲凝陰功丕著於鄉詳陽  
 德水膺於家慶如蒙丹禱允拜洪恩上願覆

載清寧儀璘煥耀山靈薦祉川后呈祥熙熙  
 藏富於三農桑麻雨足蕩蕩收烽於四鄙榆  
 柳春闌無焚林竭澤之憂逐戾天躍淵之樂  
 三途五苦均鼓舞於福鄉六洞十宮悉歡呼  
 於壽域普提陰掾齊證陽係臣下情不勝虔  
 禱之至

終獻

臣聞族無色凝無淵函圓方而朗照親有德  
 享有道廓經緯以周流俯彈翼翼之小心仰  
 叩巍巍之大造光明濟下冀旌几奏之勤忱  
 惚質旁諒恕階升之瀆以今敷陳禮畢薦獻  
 情周蘭煙收鳳鼎之華蓮炬暗龍缸之燼前  
 瞻翠節將汎景於璇霄後矚珠璣已迴光於  
 瑤極月駟逶迤而旁舞雲龍遙邁以高征萬  
 聖旋班千真復位運元會道百神混合於泥  
 丸入妙凝真萬炁虛圓於玄牝臣下情無任  
 謹稽首奉送

送聖

復爐

寶華圓滿天尊引

焚燎  
設醮禮幕儀

陞壇步虛

臣聞一元肇運範圍經緯以生成三洞開圖  
素奮陰陽而化育故凡繫於名教執有外於  
陶銘仰惟大造之涵容俯鑒小心之激切以  
今恭焚道香德香無為清靜香清靜自然香  
妙洞真香靈寶慧香超三界香三景真香滿  
瓊樓玉京過周天法界無量寶香遙瞻供養  
太上元極大道青玄老君太乙救苦天尊運  
明保元上帝十方分身應化救苦天尊十華  
真人八極真人大惠救苦真人九天普度院  
三十六員真人普救真人普濟真人青玄黃  
籙九司真衆日官太陽帝君月府太陰皇君  
南辰六闕上真道君北極九府上真道君五  
方五德上真道君周天二十八宿真君天地  
水府三官大帝泰玄樞機三省上相真君九  
天諸司真君天曹諸司真君三天化主玄中  
大法師真君三天大聖都天大法天師真君  
靈寶經籍度師真君靈寶監齋大法師真君

北極四聖真君三洞四輔經籙法科上聖高  
真神仙將吏本靖諸省府院司將吏兵馬五  
嶽五帝真君五天聖帝洞天福地靖廬治化  
名山洞府得道真仙祖玄真師列位真人北  
陰鄧都大帝東霞丹林扶桑大帝城隍杜令  
里域正神監察神祇侍衛宣通無執聖眾三  
界官屬一切真靈仗此具香普同供養以今  
奉為某崇建某齋仰荷玄恩圖成齋福克卜  
今宵恭陳三界清醮一座幾百分位延奉真  
符庸酬宸貺屬茲瑣筵啓瑞範將宜宜昭  
格於虛无庸快張於妙有欲望慈光密映真  
澤潛孚翠葆珠幢縹緲雲飛於輦路丹旌清  
蹕翩翩霞映於霄衢三介齊臨萬仙拱侍共  
鑿葵傾之切庸敢芥采之恭班序齊周壇場  
告備雲鏞逸響月籟流明恭對道前關行法

事

太乙救苦天尊  
洒淨 宣檢攝符  
太乙救苦天尊  
詣掌醮司啓白宣呪

太乙救苦天尊

詣降聖司幕上香

其謹上啓

三天門下降聖司真君三界侍使四直功曹  
仰冀真慈俯垂采覽以今齋主某披心大梵  
稽首上玄盡齋戒沐浴之誠致願繁縷藻之  
薦尚祈聖造曲賜感通某仰惟縹緲營羅龍  
慈劫仞紫雲精瑤碧霧迴旋慮紛葩五濁之  
庭非曲密九清之境難延殿取徒冒憲章欲  
望聖慈特為奏請

太乙至聖十方上真三界諸司十華靈眾各  
嚴國簿俯降道場容臣降真召靈合神攝景  
普集玄虛之象均臨廣大之筵某不勝虔祝  
之至

焚三皇內文

雲衢家廓 萬象澄清 風翻鳳輦 雨集雲蒸  
太乙下觀 五帝咸迎 霓旌紛列 雨蓋華星  
霞衣疑肩 煙輦羽青 侍從九九 百億神兵  
金剛力士 擁翼千層 上通三景 下徹鄧城  
函簿仗衛 嚴護五丁 雲龍翠葆 月駟珠駟

步虛逸響 符寶宮拜 俯仰庶類 仰羨華英  
均臨黃道 瑞炁稜稜 流祥降福 大混天成  
證明壇界 割落邪精 天恩眷育 地禁爛平  
洪禧掩萬品 惠深溥寰瀛

太乙救苦天尊

華夏行香

燒香頌陞壇如式

靈寶領教濟度金書卷之九十八

靈寶領教濟度金書卷之九十九

洞微高士開光救苦真人壽全具授  
靈寶通玄弘教水南先生林靈真編

科儀立成品青玄救苦齋

醫治全形靈官照儀

入壇洒淨

燒香頌

具位某上啓

九天普度院三十六將軍一行官吏仗以青  
玄御運弘三洞之具風黃籙開圖廓八紘之  
惠日提拯死魂於不夜起淺生鬼以長春必  
有真曹共揚

聖化惟九天普度之將吏實十地救苦之仙  
靈同寅叶恭贊生生於太乙承符宣德衍化  
化於大千聖威煥耀於無垠神力搗持於有  
造幽明咸賴今古攸遵今有某開度亡故某  
超神北鬱返景東華慮生前疾病之支離致  
死後形神之散漫非假醫治焉克完全茲先  
遇於欵延次專行於召役少伸葵志庸表窮  
東伏願風馬來臨列旌旂而後從雲驂益止

整鞍勒以前驅俯降道場共宣德悃某不勝  
虔禱之至謹當奉請

請神

初獻

散花

某上啓

九天普度院三十六將軍一行官吏仗以上  
聖垂慈分職爰和於經緯下惠崇惠建官調  
理於陰陽凡神炁之疾傷藉仙靈之手復欽  
惟將吏風號威靈掃鬼提魂毋雷轟於夜壑  
蘇榮整衛常日赫於寒度正死去之頭顱還  
生來之面目號尊普度承青玄百寶之光壇  
紀昇玄仰朱陵三華之耀提攜無極讚歎難  
窮今有齋主某建設  
某齋行召陰儀來親陽境切慮風淪世網寧  
無顛頓於沉疴今墜冥途所願調平於痼疾  
庶俾還形而復舊方能委炁以回元可附靈  
猶來參聖慕故皈依於拯濟斯保衛於安和  
還復神奇頌除臭穢既荷鑒臨之切取伸懇  
禱之私輒薦蘋蘩若投桃李願曲歆於奠獻